



Ni ukuri, umbajije ku kintu gihambaye, coroshe gukora ku wacoroherejwe n'Imana Allah

Mu vyakiriwe na Mu'aadhi mwene Jabali (Imana Allah Imwishimire) yavuze ati: "Narigeze kubwira Intumwa y'Imana (nyakugira amahoro n'impuhwe z'Imana Allah) nti: "Ewe Ntumwa y'Imana! Mbwira igikorwa cotuma ninjira mu Bwami bw'ijuru kikananyigiza kure y'umuriro"! Ica inyishura ivuga iti: "Ni ukuri, umbajije ku kintu gihambaye, coroshe gukora ku wacoroherejwe n'Imana Allah: Uriyegereza ukanasenga Imana Allah utayibangikanya na kimwe mu biremwa; ugatsimbataza amasengesho; ugatanga ishimmwa-bwirizwa; ugapfunga ukwezi kwa Ramadhani; ukanashengerera ingoro ntagatifu". Hanyuma yaciye imbwire iti: "Mbega none ndakwereke imiryango y'ivyiza bisa!? Ugupfunga, ni inkinzo ikingira umuntu umuriro, imperezwa na yo ihanagura igicumuro kigaherengetera nka kurya amazi azimya umuriro, hamwe rero n'isengesho ry'umuntu asenga mu gicugu". Mu'aadhi yavuze ati: "Hanyuma ica isoma Aayah iti: [Baravyuka bakigira kure y'uburiri basenga mu gicugu ...] (As-Sajda: 16) gushika kuri [...ku vyiza banye bakora kw'isi] (As-Sajda: 17), mu nyuma ica ivuga iti: "Mbega ndakwiganire umutwe wa vyose, inkingi yavyo hamwe n'isonga ry'ipfupfu ryavyo!?" Naciye nishura nti: "Ego cane Ntumwa y'Imana nyiganira!". Yaciye ivuga iti: "Umutwe wa vyose ni ubwislamu, inkingi ya vyose na yo ni isengesho, isonga ry'ipfupfu ryavyo na ryo, ni uguharanira idini ry'Imana Allah". Mu nyuma ica ivuga iti: "Mbega none ndakwiganire ikigaba kikaganza ivyo vyose ndakwiganiye?", nanje nca mvuga nti: "Ego cane Ntumwa y'Imana, nyiganira!", irahaheza ifata isonga ry'ururimi rwayo ica ivuga iti: "Gumya aka karimi", nanje nca mvuga nitangaza nti: "Ewe Muvugishwamana! Burya ni ukuri, tuzohanirwa ivyo tuvuga?". Ica ivuga iti: "Mu'aadhi! Nyoko arakakubura, none burya hari ikizota abantu mu muriro bakazobanza mu maso habo canke bakagwira amazuru yabo, atari uguhanirwa ivyavuzwe n'akarimi kabo!"".

[صحيح] [رواه الترمذي]

Mu'aadhi (Imana Allah Imwishimire) yavuze ati: Narigeze kuba ndi kumwe n'Umuvugishwamana (nyakugira amahoro n'impuhwe z'Imana Allah) ku rugendo, umusi umwe turiko turagenda mba ndi hafi yiwe, nca mvuga nti: Ewe Ntumwa y'Imana! Ndagusavye umbwire igikorwa cotuma ninjira mu Bwami bw'ijuru maze kikananyigiza kure y'umuriro; ica inyishura iti: Ni ukuri, umbajije ku gikorwa iyubahirizwa ryaco rihambaye kandi rigoye ku bantu, ni rito kandi ryoroshe ku wacyoroherejwe n'Imana Allah; ubahiriza amabwirizwa y'ubwislamu: Ubwa mbere: ni uko wiyegereza Imana Allah mu kuyisenga ari Imwe Rudende utayibangikanya na kimwe mu biremwa. Ubwa kabiri: ni uko utsimbataza amasengesho atanu abwirijwe gusengwa ku musu (ku murango n'ijoro): isengesho ryo mu mutwenzi, iryo ku musase, iryo ku muhingamo, iryo ku kirengazuba, hamwe rero n'iryo ku

mugoroba (ku kazange), maze uyasenge wubahiriza ibisabwa vyayo, inkingi zayo, hamwe n'ibitegetswe. Ubwa gatatu: ni uko utanga ishikanwa-bwirizwa, na ryo rikaba ari igikorwa nyegerezamana gitegetswe cerekeye itangwa ry'amwe mu matungo akwije urugero-fatiro (niswaabu) rugenwa n'amategeko y'ubwislamu, Iryo shikanwa riherezwa abo ryagenewe. Ubwa kane: ni uko upfunga ukwezi kwa Ramadhani. Ugupfunga, ni ukureka kurya no kunywa n'ibindi bituma umuntu afungura, bijana n'ukugira izirikanagikorwa ry'ishira mu ngiro ibikorwa nyegerezamana, kuva umutwezi ukitse gushika izuba rirenge. Ubwa gatanu: ni uko uja gushengerera ingoro ntagatifu iri i Makka mu ntumbero yo gutunganya imigirwa y'ishengerera, rikorwa ku bw'Imana Allah. Mu nyuma rero (nyakugira amahoro n'impuhwe z'Imana Allah) yaciye avuga ati: Mbega Mu'aadhi! Wonkundira nkakwereka inzira igushikana ku miryango y'ivyiza? Iyo na yo nzira ikaba igizwe n'ibikorwa nyegerezamana vy'inyongera mu gukurikiza ayo mabwirizwa: Ica mbere: ni ipfunga ryo kwitonesha. Iryo pfunga na ryo rikingira umuntu kugwa mu vyaha kuko rica ibishobisho vy'ukwipfuzwa (shah-wa), rikanaca intege z'ugutandukira ibizira. Ica kabiri: ni imperezwa (isadaka). Iyo na yo ikaba ihanagura igicumuro inyuma y'ukugikora, igaherengeteza n'inkurikizi zaco. Ica gatatu: ni isengesho ryo mu gicugu. Iryo na ryo risengwa mu ca gatatu gihereza ijoro (mu gicugu), hanyuma (nyakugira amahoro n'impuhwe z'Imana Allah) yaciye asoma Aayah, aho Imana Allah Ivuga Iti: □Baravyuka bakigira kure y'uburiri basenga mu gicugu□, bisigura kuvyuka bakava mu busaswa kugira basenge, □basaba Imana yabo Rurema Allah□, bisigura ko bayisaba mu gusenga, mu kuyitazira bayininahaza, mu gusoma Qor'ani bongera banayisaba (ibisabisho), ivyo bakabikora □ku gutinya ibihano vyayo, baziga n'indishi kuri Yo; no mu vyo Twabaronkeje, baratanga mu bikorwa vy'igamburukiramana. Nta muntu n'umwe rero azi ivyategekanirijwe abemeramana mu vyiza biri aho vy'akaroruhore, biryohewe ijisho bikeza n'umutima□, bisigura ko ari ivyiza n'indishi vyabategekanirijwe ku musi w'izuka, n'inema zamaho bazosanga mu Bwami bw'ijuru, □Iyo, ni yo ndishi ku vyiza banye bakora kw'isi□. Hanyuma (nyakugira amahoro n'impuhwe z'Imana Allah) yavuze ati: Mbega wonkundira nkakubwira umushinge ngenderwako w'idini, inkingi yaryo rishingiyeko, hamwe n'isonga ry'ipfupfu ry'idini!? Maze Mu'aadhi aca yishura avuga ati: Ego cane Ntumwa y'Imana, binyiganire! Umuvugishwamana (nyakugira amahoro n'impuhwe z'Imana Allah) aca avuga ati: Umutwe n'umushinge w'idini, ni ubwislamu, na bwo bukaba bushingiye ku kwemera n'ukwemanga ibintu bibiri (ukwemera Imana Imwe Rudende Allah hamwe n'intumwa yayo); ivyo rero bikaba ari na vyo umuntu yatura akubakirako idini (umushinge ngenderwako w'idini). Inkingi y'idini ryubakiyeko na yo ikaba ari isengesho. Burya nta bwislamu bw'uwutagira isengesho, nka kurya ata nzu itagira inkingi iyifashe, uwusenze rero idini ryiwe riraheza rigakomera rikaniyongera. Isonga ry'ipfupfu ryayo na ryo rikaba ari uguharanira idini ry'Imana Allah "jihaadi" mu ntumbero yo kugira ngo ijambo ry'Imana Allah riganze hejuru y'ibindi vyose. Hanyuma (nyakugira amahoro n'impuhwe z'Imana Allah) yaciye avuga ati: Mbega wonkundira none nkakwiganira ikigaba kikaganza ivyo vyose ndakwiganiye? Araheza afata isonga ry'ururimi rwiwe aca avuga ati: Irinde aka karimi, ntugahirahire ngo uvuge namba ibitakuraba. Mu'aadhi yaciye avuga yitangaza ati: Burya ni ukuri, tuzohanirwa ivyo tuvuga ku buryo Imana yacu Rurema Izoduharurira maze Ikaduhanira ivyo tuvuga!? Umuvugishwamana (nyakugira amahoro n'impuhwe z'Imana Allah) yaciye avuga ati: Mu'aadhi! Nyoko arakakubura niwaba ata vyo wari uzi! Iri jambo ntiyarivuze mu nsiguro yo kumusabira nabi ku Mana Allah, ahubwo ni ijambo rikoresha n'Abarabu bashaka kwerekana ko ikintu gihambaye, umuntu yategerezwa kuba akizi. Mu nyuma aca amubwira ati: None burya hari ikizotuma abantu batabwa mu muriro bagakororerwamwo babanje mu maso

(canke bakagwira amazuru yabo), atari umwimbu w'ivyavuzwe n'akarimi kabo mu kugarariza Imana Allah, mu kwagiriza umuntu icaha c'ubusambanyi atigeze akora, mu gutuka abandi, mu kwandagaza abantu, mu guteranya uyu n'uriya hamwe rero no kuremeka umuntu inteba ishushu mu kumubeshera ivy'agacanutwe, n'ibindi nk'ivyo.

<https://www.sunnah.global/hadeeth/rn/show/66530>

النجاة الخيرية
ALNAJAT CHARITY

